



Na osnovu člana 2.9 stav (1) tačka 4. i 17, člana 14.3 stav (5), a u vezi člana 3.15 Izbornog zakona Bosne i Hercegovine ("Službeni glasnik BiH" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Centralna izborna komisija Bosne i Hercegovine je na 57. sjednici održanoj 16.11.2017. godine, d o n i j e l a

ODLUKU

(1) Odbija se upis u izvod iz Centralnog biračkog spiska za glasanje izvan Bosne i Hercegovine za prijevremene izbore za načelnika Općine Glamoč, po podnesenim prijavama do 15.11.2017. godine, jer nisu ispunjeni uslovi propisani članom 3.15. stav (1), (2) i (3) Izbornog zakona Bosne i Hercegovine kako slijedi:

R/B	Prezime	Ime	Država	Razlog odbijanja
1	TRIVUNOVIĆ	DUŠAN	SRBIJA	ISTEKLI DOKUMENT
2	TRIVUNOVIĆ	DRAGAN	SRBIJA	ISTEKLI DOKUMENT
3	BAČINA	MILENKO	SRBIJA	NIJE POTPISAN OBRAZAC

Obrazloženje

Centralna izborna komisija Bosne i Hercegovine je u skladu sa članom 2. stav (4) Uputstva o rokovima izbornih aktivnosti za održavanje prijevremenih izbora za načelnika Općine Glamoč odredila rok do 15.11.2017. godine u 24.00 sata za prijem prijave za upis birača u izvod iz Centralnog biračkog spiska za glasanje van Bosne i Hercegovine za prijevremene izbore za načelnika Općine Glamoč.

Odredbom člana 3.15 stav (6) Izbornog zakona Bosne i Hercegovine je propisano da ako ispuni propisane uslove iz stava (1), (2) i (3) ovog člana, podnosilac prijave nalaziti će se u izvodu iz Centralnog biračkog spiska za glasanje van Bosne i Hercegovine.

Shodno navedenim zakonskim odredbama, Centralna izborna komisija Bosne i Hercegovine je u postupku provjere dokaza priloženih uz prijave kojim se dokazuje ispunjavanje uslova iz člana 3.15 stav (1), (2) i (3) Izbornog zakona Bosne i Hercegovine utvrdila sljedeće:

a) dokaz o identitetu - nije priložen, ili nije priložen valjan dokument u smislu člana 3.15 stav (4) i člana 5.12 stav (4) Izbornog zakona Bosne i Hercegovine

Shodno odredbi člana 3.16 stav (2) Izbornog zakona Bosne i Hercegovine, ako državljanin BiH iz člana 3.15 stav (1) ovog Zakona ne podnese prijavu prije isteka roka utvrđenog za podnošenje prijave za glasanje van Bosne i Hercegovine na prijevremenim izborima za načelnika Općine Glamoč, dakle do 15.11.2017. godine, nalaziti će se upisan u izvodu iz

Centralnog biračkog spiska za glasanje na odgovarajućem biračkom mjestu u osnovnoj izbornoj jedinici u kojoj ima prijavljeno prebivalište.


Na osnovu naprijed navedenog i činjenice da podnosioci prijave ne ispunjavaju uslove propisane članom 3.15 stav (1), (2) i (3) Izbornog zakona Bosne i Hercegovine, Centralna izborna komisija Bosne i Hercegovine je na osnovu člana 2.9 stav (1) tačka 4. i 17. odlučila kao u dispozitivu ove odluke.

Pravna pouka:

Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objave ove odluke na web stranici Centralne izborne komisije Bosne i Hercegovine www.izbori.ba (krajnji rok do 19.11.2017. godine u 24.00 sata).

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj +387 33 251 329, emaila prijavapp@izbori.ba ili lično u sjedište Centralne izborne komisije Bosne i Hercegovine, Ulica Danijela Ozme broj 7, 71000 Sarajevo.

Broj: 06-1-07-2-1086-67/17
Sarajevo, 16.11.2017. godine



Predsjednica

Dr. Irena Hadžiabdić